

Visoki predstavnik poduzeo mjere u cilju racionalizacije finansiranja uprave grada Mostara

Visoki predstavnik Paddy Ashdown, je u danas donio dvije odluke kojima se ponovo uvodi obaveza da dvije Elektroprivrede koje djeluju na području Federacije BiH svaki mjesec direktno uplaćuju sredstva Gradskoj upravi Mostara.

Ovaj prihod, koji je ukinut na osnovu zakona usvojenog u septembru 2002. godine, predstavlja otprilike 50 procenata od budžeta uprave grada Mostara. Bez ovog prihoda, gradska uprava se suočila sa finansijskim kolapsom i mogla bi doći u situaciju da nije u mogućnosti nastaviti sa pružanjem javnih usluga ili sa isplatom plata svojim zaposlenicima. Ove Odluke ne utiču na finansijske aranžmane koji se odnose na općine. One općine koje su primale sredstva od Elektroprivreda će ta sredstva i dalje primati.

Visoki predstavnik je rekao: "U potpunosti podržavam ujedinjenje grada Mostara. Ovom Odlukom se obezbjeđuje privremeno rješenje za finansiranje Grada. Sada moramo raditi na pronalaženju trajnog rješenja ovog problema."